



## Universitätsbibliothek Paderborn

### **Urkunden-Sammlung zur Geschichte der auswärtigen Verhältnisse der Mark Brandenburg und ihrer Regenten**

...

namentlich in Beziehung auf Anhalt, Bayern, Böhmen, ... und andere  
Länder ; [Urkunden-Sammlung für die Geschichte der auswärtigen  
Verhältnisse]

**Riedel, Adolph Friedrich**

**Berlin, 1847**

MDLXX. Die Herzöge Heinrich und Johann von Mecklenburg entschuldigen  
sich, denen von Rohr Neuhausen abgenommen zu haben, und  
versprechen auf dem Tage zu Perleberg sich einzufinden, am 11. Dezbr.  
1437.

[urn:nbn:de:hbz:466:1-54183](https://nbn-resolving.org/urn:nbn:de:hbz:466:1-54183)

MDLXX. Die Herzöge Heinrich und Johann von Mecklenburg entschuldigen sich, denen von Rohr Neuhausen abgenommen zu haben, und versprechen auf dem Tage zu Perleberg sich einzufinden, am 11. Dezbr. 1437.

Vnfin frundliken dienst touuoran. Hochgeborner Furste Leue Swager! juwer Leue Breff hebben wy wol vornamen, dar jnne gy screuen, wo wy sind geweszt An juwen lande An der Prignitze vnde hebben juwen Mannen den Roren affgewunnen dat Nygehus vnd vthgebrand etc. Des wetet leue Swager dat vns de Rore hebben vnse Straten beschinnet, hebben vns Rouet vnd brand to mennigen tyden vnde de vnse vanghen, beschattet, vordinget vnd dat ere genomen, Also wy mid juwer leue anders nicht enweten vnde mid enwulften men gud vnde an loue vnde gude mid juw zitten vnd mid en zeten, dar wy juwen leuen Brodere vnsem Swager vnd juw vakene vmme screuen vnde ouerklaget hebben, dar vns ny wandel effte vorbute vmme konde wedderfaren. Ok leue Swager zund den tyden, dat wy van juwer leue schededen vppem dage to wistok hebben vns de Rore vnse Borger affgegrepen vthe Plawe also rechte pelegrymen vnde dat vnse namen to Strelendorppe. Hiervme, leue Swager, wes wy dan hebben, dar hefft vns de grote nod tobracht, konden dat nicht betheren alze juwe leue wol kennen kan. Konde vns noch van Een dar vmme wedderfaren, wat juwen vnd vnzen Rade duchte Recht, redelik vnde megelik wesen; So vorleggen wy, leue Swager, nyne dage vnde willen gerne tegen juw to dage komen to Parleberge des vrydages negest nygen jare, Alze juwe leue begert, So verne alze gy vns senden juwen befehghelden leydebryff, dar wy ane vorward sin vnde senden vns to vuresluden der Ghenze Een nomptliken hern Baltasar effte Otten vnde Diderik van quitzouw vnde enen Borgermester vthe parleberge vnde enen vthe Prifwalk, de den des Donredages Auendes dar beforen by vns syn tor Nygenstad, nemen vns dar uff, vuren vns velich to vnd aff tho juw leue. Ok leue Swager alze juwe leue scriuet, dat wy bestellen willen, dat juwen landen Nyn togrepe sche van den vnzen wente tom vorsecreuen dage, Leue Swager, deme hebben wy zo gerne dan, hebben dat vnzin sedderen van Stargarde vluchtiges to wetende dan vnde vorsecreuen, dat See dat eren wech bestellen: des gelyken hebben wy ok gedan an vnse herschopp to wenden vnde an vnzen landen, dat nummende an juwen landen noch den Roren togrepe don scholen wente tom vorsecreuen dage. Bidden dat gy ok so bestellen, alzo gy vns screuen hebben, dar wy ane vorward sin. Ok leue Swager bidden wy juw, dat gy bestellen willen mid den Roren, das dat gelt, dat noch naisteit van der Schattinge wegen vnse Borger van Guftrouw vngemanet blieue wente tom vorsecreuen dage. Beghern des juwer leue vnuortogert de bescreuen Antworde, beyde des breues vnde der jnnelloten Ceddelen, dar wy vns weten natorichtende. Leue Swager wes wy juwer leue vurder to willen vnd dienste don mogen, dar syn wy allewege gutwillich to. Juwe leue Sy gode beualen zund to langen tyden. Screuen vnder



vnser een jngelgel, Midwekens na vnser leuen frouwen dage Conceptionis, Anno etc. XXXVII.

Hinrick vnd Johan van gotisgnatin Hertegin to Meklenborg, Greuen to Zwerin fursten to wenden etc.

Dem Irluchten hochgeborn fursten vnd hern, hern frederike dem jungen, Marckgreuen to Brandenburg, Borchgr. to Nuremb. vnsem leuen Swager gescreuen.

Nach dem Originale.

NDLXXI. Markgraf Friedrich der Jüngere vereinigt sich mit den Herzögen von Mecklenburg zur Liquidirung der Beschädigungen, welche ihre Lande sich einander zugesügt haben, am 5. Januar 1438.

Wy Fridrick dy jünge, von godes gnaden Marggraue tho Brandenburg vnd Burggraue tho Nurenberge vnd wy hinrich, von denfuluen gnaden herttoge tho Mekelnborch, furste tho wenden vnd Graue tho Swerin etc. Bekennen openbare mit dessem brieffe, wy obgnannt Marggraue fridrich vor vns vnser eruen vnd nachkomen up einen, vnd wie obgnannte hertoge hinrich vor vns vnser vedderen hertogen johannsen vnd hertoge hinrich von Mekelenborch vnd tho Stargarde vnd vor vnser aller eruen vnd nachkomen up dem andern deyle, dat wy vns up huden alhir tho Parleberge gutlicken vnd frundtlicken geeynet vnd verdragen hebben in maten, alle hirnageschreuen steyt. Thom ersten als gar uele Rouerige, thogrepe, beschedigunge vnd fridebroke by des irluchten Hochgeboren fursten vnd hern, hern johansen Marggrauen tho Brandburch, vnnes Marggraue fridrickes lieue bruders, tyden vnd der Hochgeboren furstynn frowe katherinen, hertogynn tho mekelinburg, vnnes hertoge hinrich liuen frouwen muder tyden, vnd nu ouer wente up dessen hudigen iegenwardigen dach in vnser beider parthien lande vnd luden gescheen sin, darvmb denn von den obgnannten vnsern Bruder vnd Muder vnd ok von vns vnd vnser houetluden vnd Reden vaken vnd vele dage gehalten vnd doch von beiden deylen wente her noch nicht gerichtet sind wordenn; von deszwegen scholen vnd willen wy ergnannte Marggraue fridrich von Brandenburg vnd ok wy ergnannte Hertoge hinrich von Mekelnburg mit vnser obgnannten Bruder vnd vedderen eyn jewelick gegen den andern alle fredebroke, die vnser eynen ader sinen landen von dem andern ader den sinen vnd ok von dem lande tho wenden, dy wyle wy ergnannte hertoge hinrich vnser Bruder vnd vedderen vns des vnderwunden hebben nach dode des von wenden seligen, wente up dessen hudigen dach gescheen sind, schriftlicken setten vnd beschriuen laten, Denn dy fuluen beschreuen vredebroke vnser einer dem andern tusschen dessem iegenwardigen dage von geuyng dessem brieffs vnd mitfasten schriftkomende senden, Nemlicken wy ergnannte marggraue scholen vnd willen dy fredebroke, die vns vnd